



SIUMUT
INATSISARTUT

18.02 2016

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqput:

Nunatsinnut tulluarsakkamik inatsisilerituunngorniarnermut ilisimatusartoqarsinnaanngor-lugu Ilisimatusarfimmi ingerlanneqarsinnaasumik aallartitsinissamik Naalakkersuisut pilersaaruteqarpat?

(Inatsisartuni ilaasortaq Ineqi Kielsen, Siumut)

Tunngavilersuut:

Nunatsinni inatsisinik ilisimannittut tamarluinnangajammik Danskit inatsisilerituunngorniartarnerat malillugu ilinniarsimasuusarput, naatsumik oqaatigalugu Danskit tunngaviusumik inatsisaanut toqqammavilimmik ilinniagaqarlutik sullissisuusarput.

Inatsisilerinermik aammalu inatsiseqarnermik instituteqalertuugutta inatsisit qaleriiarlutik ullumikkut inissisimasut aammalu pingaartumik kommuneni sulisunut sulilluarniartunik akimmisaartitsisaqisut institutip ersarissumik inississussagaluarpai.